

- pružanje stručne pomoći vijećnicima i klubovima vijećnika;
- nadzor nad zakonitošću korištenjem stambenog i poslovnog prostora i javnih površina;
- obavljanje i drugih poslova iz oblasti za koju je osnovan, a koje mu stavi u zadatak općinski načelnik i Općinsko vijeće.

Član 14.

Općinski štab civilne zaštite, kao poseban stručno operativni organ Općine, obavlja poslove koji se odnose na:

- zaštitu i spašavanje stanovništva i materijalnih dobara u ratu, drugim vanrednim prilikama i u slučaju elementarnih u drugih nesreća i opasnosti;

- vršenje pripreme u skladu sa procjenom ugroženosti područja općine od ratnih dejstava, elementarnih nepogoda i drugih opasnosti, obezbjeđenje najpotpunije angažovanosti svih raspoloživih snaga i sredstava u okviru funkcionisanja sistema civilne zaštite u smislu člana 169. Zakona o odbrani Federacije Bosne i Hercegovine;

- usklađivanje planova, priprema i mjera zaštite i spašavanja stanovništva i materijalnih dobara i obezbjeđenje njihovog provođenja;

- obavlja i druge poslove iz oblasti za koju je osnovan i koji proizilaze iz formacijski utvrđene organizacije koju propisuje općinski načelnik u skladu sa odgovarajućim aktom Federalnog ministarstva odbrane.

Član 15.

Općinski načelnik iz reda stručnih lica može imenovati savjetnika za pojedine oblasti.

Član 16.

Pravni zastupnik Općine vrši poslove pravne zaštite imovinskih prava i interesa Općine i njenih organa.

Član 17.

Radom sektora rukovode pomoćnici općinskog načelnika, a generalni sekretar Općine Sektorom za upravno-pravne i nadzorne poslove.

Pomoćnike općinskog načelnika imenuje općinski načelnik.

Član 18.

Generalni sekretar Općine obavlja i poslove općeg rukovođenja upravnim, stručnim i drugim poslovima iz nadležnosti Općine, kao i poslove koordinacije aktivnosti između pomoćnika općinskog načelnika i pravnog zastupnika Općine, te usklađuje njihov rad.

Generalnog sekretara Općine imenuje općinski načelnik.

Generalni sekretar Općine za svoj rad odgovara općinskom načelniku.

Član 19.

Stupanjem na snagu ove odluke prestaje da važi Odluka o općinskim organima uprave i službama ("Službene novine grada Sarajeva", br. 2/90, 16/91, 3/92 i 6/94).

Član 20.

Ova odluka stupa na snagu danom objavljivanja u "Službenim novinama Kantona Sarajevo".

Broj 06/1-07-6/2 Predsjednik Općinskog vijeća
2. novembra 1996. godine Stari grad Sarajevo,
Sarajevo dipl. ing. maš. **Tarik Poturović**, s. r.

Na osnovu člana 110. Zakona o prostornom uređenju ("Službeni list SRBiH", br. 9/87, 23/88, 10/90, 14/90, 15/90 i 14/91 i "Službeni list RBiH", broj 25/94), Uputstva o obaveznoj jedinstvenoj metodologiji za pripremu i izradu regulacionih planova i urbanističkih projekata ("Službeni list SRBiH", broj 37/87) i člana 5. Statutarne odluke o organizaciji Općine Stari grad Sarajevo, u skladu sa Ustavom Federacije BiH ("Službene novine grada Sarajeva", broj 2/96) i člana 224. Statuta Općine Stari grad Sarajevo ("Službene novine grada Sarajeva", br. 20/82, 2/85,

25/85, 23/89, 18/90, 1/91, 6/91, 3/93, 1/94, 2/94, 8/94, 9/94 i 9/95), Općinsko vijeće Stari grad Sarajevo, na sjednici održanoj 2. novembra 1996. godine, donosi

ODLUKU

**O PROVOĐENJU URBANISTIČKOG PROJEKTA
"GAZI HUSREV-BEGOVA BIBLIOTEKA U
SARAJEVU"**

Član 1.

1.1. Ovom odlukom uređuje se provođenje Urbanističkog projekta "Gazi Husrev-begova biblioteka u Sarajevu" (u daljem tekstu: Urbanistički projekat), a naročito: granice prostornog obuhvata, urbanističko-tehnički uslovi za izgradnju objekata i uređenje građevinskog zemljišta, uslovi uređenja slobodnih površina postojećim objektima - etapnosti realizacije Urbanističkog projekta, djelatnosti i uslovi pod kojima se mogu obavljati pojedine djelatnosti u planiranim poslovnim prostorima i druge odredbe.

Član 2.

2.1. Urbanistički projekat obuhvata površinu od 0.77 ha, ograničenu sa zapada Gazi Husrev-begovom ulicom, sa juga Ulicom sarači, sa istoka Đulaginom ulicom, i sa sjevera Ulicom Mula Mustafe Bašeskije, odnosno parcele k. č. 928, 929, 930, 931, 932, 933, 934, 935, 936, 937, 938, 939, 940, 941, 942, 943, 944, 945, 946, 947, 948, 949, 950, 951, 952, 953, 954, 955, 956, 957, 958, 959, 960, 961, 962, 963, 964, 965, 966, 967, 968, 969, 970, 971, 972, 973, 974. K. O. Sarajevo I.

Naprijed navedene parcele uzete su sa liste R = 1:1000.

2.2. Granice Urbanističkog projekta obuhvataju po nemjeni jedinstven prostor kulturno-obrazovnog kompleksa Islamske zajednice Bosne i Hercegovine.

2.2.1. Unutar kompleksa zadržavaju se postojeći objekti Gazi Husrev-begova medresa, Hanikah, Kuršumlija medresa.

2.2.2. Planira se izgradnja objekta Gazihusrevbegova biblioteke, te poslovnog niza (dućani).

2.2.3. Slobodna površina između objekata koji se nalaze unutar kompleksa tretira se kao prostor internih komunikacija, odnosno kao otvoreni prostor kompleksa.

Član 3.

3.1. Urbanističko-tehnički uslovi za rekonstrukciju i revitalizaciju postojećih građevina koje se zadržavaju kao historijska gradnja;

3.1.1. U građevinskim zanatskim radovima upotrebljavaće se prvenstveno klasični materijal, kamen, drvo, pečena glina, gvožđe, olovo, bakar i staklo. Za krovništa sa strehom upotrebljavaće se isključivo ćeremit, a za kupolasta krovništa olovni ili bakreni lim odgovarajuće debljine. U zidanim konstrukcijama nepečena opeka zamjenjuje se pečenom.

3.1.2. Od građevinskih materijala mogu se upotrebljavati opeka, beton, armirani beton i slično samo u dijelovima građevina koji se malterišu.

3.1.3. Tvorničko eljezo, ako nije prekovano, aluminij i sve vrste plastičnih profila, prevlaka i slično u pravilu, ne mogu se upotrebljavati na fasadama, u unutrašnjosti objekta ni na bilo kojim vidljivim dijelovima zgrada.

3.1.4. Kao materijal za zaštitni pločnik upotrebljava se u načelu, kamen, kaldrma od zaravnjenih obulata.

3.1.5. Ovi objekti moraju zadržati (dobiti) isključivo historijsko, odnosno ambijentalno mjerilo i izgled. Oblici krovne plohe i širine objekta uređuju se u načelu prema elementima (nacrti fasada) koji su u sastavu Urbanističkog projekta. Svaka izmjena koja bi mogla nastati u obliku fasade može se odobriti samo uz saglasnost nadležne institucije za zaštitu graditeljske i prirodne baštine.

3.1.6. Enterijer (obrada unutrašnjosti i opreme) radnih prostora može se, u odnosu na prvobitni izgled, slobodnije urediti, ovisno o novoj namjeni, ali uz poštovanje osnovnih ambijentalnih pravila i uz zadržavanje svih postojećih starih odnosa prijašnjih elemenata (stupovi sa stropnim drvenim podvlakama, prozorske niše i dr.).

U obradi enterijera treba izbjegavati tonove i skalnu boja koje nisu karakteristične za ovaj ambijent.

3.1.7. Savremena tehnička oprema uvodi se u enterijer i radni prostor gdje god je to potrebno, ali na način da se ističe jače u glavni prostor koji mora da ima osnovni ambijentalni dah.

3.2. Urbanističko-tehnički uslovi za građenje planiranih objekata.

3.2.1. U građevinsko-zanatskim radovima upotrebljavaju se tradicionalni materijali (kamen, drvo u prirodnoj boji i strukturi, te čermit, olovo i bakar, kao materijal pokrova) i savremeni materijali (beton, armirani beton, opeka, a u većoj mjeri na vidljivim dijelovima građevina dozvoljava se jedino primjena stakla).

3.2.2. Fasade planiranih objekata se malterišu i finalno obrađuju fasadnom bojom, u skladu sa objektima neposrednog kontakta.

3.2.3. Spratnost objekta utvrđuje se kako slijedi:

- objekat Gazi Husrev-begove biblioteke - P + 2 (prizemlje + dvije eta e);

- niz poslovnih prostora (dućani) P (prizemlje).

Podzemne (podrumske eta e izvodiče se u zavisnosti od potreba i geofizičkih osobina tla.

3.2.4. Volumeni objekta i njihova međusobna odstojanja moraju biti usklađeni sa postojećim urbanim tkivom.

3.2.5. Obavezna je primjena kosih krovnih ploha nagiba 30°-45°, uz moguću primjenu kupole kao karakteristične ambijentalne forme.

3.3. Urbanističko-tehnički uslovi za uređenje slobodnih površina unutar kompleksa.

3.3.1. Sve slobodne površine unutar kompleksa obrađuju se na tradicionalan način odnosno kaldrmisanjem, opločenjem kamenim pločama i ozelenjavanjem.

3.3.2. Na ovim površinama sadi se i odrava visoka vegetacija (naročito lipa, orah, jablan i sl.), niska vegetacija (naročito šišmir, ru a i sl.), a radi njihovog funkcionalnog opravdanja uspostavljaju se česme i šadrvani, isključivo u kamenoj izvedbi.

3.3.3. Ove površine treba ambijentalno usaglasiti i dovesti u skladnu cjelinu sa neposrednim okruženjem postojećih planiranih objekata.

3.3.4. Uređenje ovih površina dato je Projektom vanjskog uređenja i nivelacije, te Projektom hortikulture, zbog čega izgradnja svakog objekta vanjskog uređenja mora biti u skladu sa rješenjem datim ovim projektom.

3.4. Ostali urbanističko-tehnički uslovi

3.4.1. Nivelaciona kota prizemlja objekta biblioteke na mo e biti manja od 30 cm (trideset centimetara) iznad kote terena definisane Projektom vanjskog uređenja i nivelacije.

Nivelaciona kota poda prizemlja poslovnih prostora ne može biti manja od 15 cm (petnaest centimetara) iznad kote terena definisane Projektom vanjskog uređenja i nivelacije, a ne smije poremititi date visinske odnose u jedinstvenoj fasadi niza poslovnih prostora.

3.4.2. Koficijent izgrađenosti (odnos ukupne građevinske površine arhitektonskih objekata prema površini građevinskog zemljišta ne smije preći Ki 1 (manje/jednako jedan).

Član 4.

4.1. Planirani objekti mogu se graditi u dvije etape.

U prvoj etapi građenja (izgradnja objekata na površinama u skladu sa njihovom prethodnom namjenom) postojeći objekti koji su planirani za rušenje mogu se privremeno zadržati, pod uslovom da njihovo zadržavanje ne ometa prvu etapu građenja, a najduže do otpočinjenja druge etape građenja, odnosno do obezbjeđenja finansijskih sredstava potrebnih za njenu realizaciju od strane investitora.

4.2. Na postojećim objektima predviđenim za rušenje ne dozvoljavaju se nikakvi građevinski radovi izuzev onih koji se odnose na nužno održavanje objekata i obezbjeđenje osnovnih higijensko-tehničkih uslova.

Član 5.

5.1. Izgradnja arhitektonskih objekata (građevina) ne može započeti bez prethodnog uređenja građevinskog zemljišta.

5.2. Pod uređenim građevinskim zemljištem smatra se zemljište na kome je izvršeno raščišćavanje zemljišta od gradnje i na kome su izgrađene komunalne građevine i instalacije za zajedničko i pojedinačno korišćenje.

Član 6.

6.1. Zatvoreni i otvoreni prostori namjenjuju se za isticanje kulturno-historijskih vrijednosti arhitekture i ambijenta, te za unošenje i odvijanje tradicionalnih i savremenih kulturnih sadržaja, kao i privredno područje za zanatstvo, trgovinu i ugostiteljstvo.

Član 7.

7.1. Ukoliko neka pitanja nisu rješena odredbama ove odluke, na njih se primjenjuju odgovarajuće odredbe tekstualnog dijela Regulatornog plana sanacije, konzervacije, restauracije i revitalizacije sarajevske čaršije ("Službene novine grada Sarajeva", broj 19/95-611).

Član 8.

8.1. Ova odluka stupa na snagu danom njenog objavljivanja u "Službenim novinama Kantona Sarajeva".

Broj 06/1-07-6/3 Predsjednik Općinskog vijeća
2. novembra 1996. godine Stari grad Sarajeva,
Sarajeva dipl. ing. maš. **Tarik Poturović**, s. r.

Na osnovu čl. 224. i 274. Statuta Općine Stari grad Sarajeva ("Službene novine grada Sarajeva", br. 20/82, 2/85, 25/85, 23/89, 18/90, 1/91, 6/91, 3/93, 1/94, 2/94, 8/94 i 9/95), Statutarne odluke o organizaciji Općine Stari grad Sarajeva, a u skladu sa Ustavom Federacije Bosne i Hercegovine od 14. januara 1996. godine i na osnovu čl. 25. i 26. Zakona o osnovnoj školi ("Službeni list SRBiH", broj 39/90 i "Službeni list RBiH", br. 3/94 i 24/93), Općinsko vijeće Stari grad Sarajeva, na sjednici održanoj 2. novembra 1996. godine, donijelo je

ODLUKU

O POČETKU I ZAVRŠETKU NASTAVE I TRAJANJU ZIMSKOG ODMORA ŠKOLSKE 1996/97 GODINE U OSNOVNIM ŠKOLAMA NA PODRUČJU OPĆINE STARI GRAD SARAJEVO

I

Redovna nastava u prvom polugodištu školske 1996/97. godine u svim osnovnim školama na području općine Stari grad Sarajeva počinje 2. septembra 1996. godine.

II

Zimski odmor školske 1996/97. godine traje od 11. januara do 31. januara 1997. godine.

III

Redovna nastava u drugom polugodištu počinje 3. februara 1997. godine, a završava se 13. juna 1997. godine.